

ALLA MADONNA DEL RIMEDIO
FESTIGGIATA NELLA CITTA' DI OZIERI

—00—

I°

Non tottu sos festantes sun bennidos
In custu logu o Madonna a t'adorare ,
Medas benin cun votos chi affligidos
Ti han devidu in oras tristas invocare;
Plebaglia ed elementos erudidos
Non benin tottu pro ti onorare,
Ma già conosches s'umana fragileza
Perdona a tottu s'issoro debolesa.

2°

Unu benit cun gala piu sfarzosa
S'ateru benit pro si divertire,
Unu benit cun fide religiosa
S'ateru benit sa festa pro godere,
Una Mamma ti invoca pietosa
Pro affannos chi hat devidu soffrire,
Un affligidu ti invoca dolente
S'ateru est in sa festa indifferente.

3°

A dogni coro palpitante in sinu
Dha^esa paghe ai custa umanidade;
Non lesses in sa terra su meschinu
Abbandonadu senza piedade;
Illumina ꝑ a sos cegos su camminu
Non morzan in s'issoro ceghidade;
Sos chi in su coro issoro hana awargura
Cuncedi pietosa ogni dolzura.

MONTALBO
